

Die Grundelichen Und rechten haupt
 Artickel / aller Baurſchafft vnnnd
 Hynnderſeſſen der Gaſtlichen vñ
 Wellichen oberkayten / von
 wölchensy ſich beſchwert
 ſ vermainen.



Faint, illegible text, possibly bleed-through from the reverse side of the page. The text is arranged in several lines within a rectangular border.

Dem Christlichen leser Fryd vnd
Gnad gottes durch Christum.

S seyn vil wider christe / die yetzud vō weg
en der versamleten Baurtschaft / das E-
uangelion zū schmehē vrsach nemen / sag-
ent / das seyn die frucht / des newen Eua-
gelions: Nyemant gehorsam seyn / an al-
len orten sich emporheben vñ auff pōmen / mit grossen
gewalt zūhauff lauffen vnd sich rotten / Gaistlich vnd
welliche oberkaiten zū reformieren / außzūreytten / Da
villeucht gar zū erschlagen: Allen disen Notlosen freuen-
lichen vrtailern / Antwurtē dise nachgeschribne Artick-
el / Am ersten das sye dise schmach / des wort gotes auff-
heben / Zūm andern die vngheorsamkeit / Da die Em-
pōung aller Bawren Christlich endtschuldigen / Zūm
ersten / ist das Euangelion nit ain vrsach der Empōung
en oder auffrūren. Dye weyl es ain rede ist / von Christo
dem verhaissne Messia / Welchs wort vnd leben / nichts
dan / liebe / Friede / Geduldt / vñ ainigkeit lerner. Also
dz alle die in disen Christūglaubē / lieplich / Friedlich / Ge-
dultig / vnd ainig werden / So dan der grund al. 2. Ar-
tikel der Bawren (Wie dan klar gesehen wirt) Dz E-
uangelion zūhören / vnd dem gemess zū leben / dahin ge-
richt ist / Wie mügen dan die widerchristen das Ewan-
gelion ain vrsach der Embōung / vnd des vngheorsams
nennen: Das aber ertlich widerchristen vnd seynd des
Euangelij / Wider solliche annüttung vñ begerung sich
lonen vnd auffbōmen / ist das Euangelion nit vrsach /
Sonder der teüfel der schedlichst seynd des Euangelij /
der solches durch den vnglauben in den seynen erweckt /
Sye mitte das / das / wort Gotes (liebe / fryd / vnd ainig-
keit lernent (vndergetruckt vñ weggenōmen wurde.

Die wider
Christen.

Des neuen
Euangeli
frucht.

Antwort.
5 artickel.

Entschul-
digung der
Artickel.

Roma. 1

Zum andern dan klar lauter volget / das bye Bawren
in jren Artickeln solches Euangelion zur leer vnd leben
begerend / nit müge vngheorsam / Auffrührisch / genent
werden / Ob aber Got die Bawren (nach seynem wort
zu leben ängstlich ruffent) erhören will / Wer will den
wille gotes Tadeln? Wer will in sein gericht greyffen?
Ja wer will seiner mayestet wydstrebe . Hat er die kind-
er Israhel zu jm schreyend / erhöret / vnd auß der hand
Pharaonis erlediget? Wag er nit noch heut die seynen
erretten? Ja er wirts erretten? Vñ in ainer kütz? Der
halben Christlicher leser / Solliche Nachfolgendt Art-
tikel lyse mit fleys / Vnd nach mals vrrail.

Roma. 11
Esaie. 40.
Roma. 8
Erodi. 3
vnd. 14.

Luce. 18.

Hyenachuoigent die Artickel.

Der erst Artickel.



Um Ersten ist vnser diemüttig bytt vñ
beger / auch vnser aller will vñ maynüg/
das wir nun für ohin gewalt vnd mache
wöllen haben / ain ganze gemain sol ain
Pfarer selbs Erwölen vnd Kyesen. Auch gewalt haben
den selbigen wi der züent setzen / wañ er sich vngespürlich
hieldt / Der selbig erwölt Pfarer soll vns das hailig E-
uangeli lauter vñ klar predigen one allen menschliche zü
saz / leer vnd gebot / dan vns den waren glaubē stetig ver-
kündigen / geyt vns ain vrsach got vnd sein gnad zü bit-
ten / vnns den selbygen waren glawben einbylden vnd
in vns bestetten / Dann wann seyn genad in vns nit ein
gepyldet wirdt / so bleyben wir stetig fleysch vñ blüt / das
dan nichts nutz ist / wie klärlich in der geschriffte stat das
wir allain durch den waren glauben zü got kōmen kind
en / vnd allain durch seyn barmherzigkeit sällig müssen
werden / Darumb ist vns ain söllicher vorgeer vñ Pfar-
rer vō nōtten vñ in diser gestalt in d̄ geschriffte gegrindt.

1 Thim. 3
Titon. 1
Actu. 14

Deutr. 17
Exodi. 31.
Deutr. 10

Johann. 6
Gallata. 2

Der ander artickel.

Zum andern nach dem der recht zehat auff gesetzt ist
im alten Testament vnd im Neuen als erföldt / nichts
destminder wöllen wir den rechtē kōm zehat gern gebē /
Soch wie sich gebürt / dem nach man sol in Got geben /
vñ den seynen mitaylē / gebürt es ainem Pfarer so klar
das wort gots verkündt / Seyen wir des willen hinsüro
disen zehat / vnser kirch Bröpff so dan ain gemain s. 13t /

Wie dann
die gannz
Epistel zü
den Hebr.
saget.
Psal. 109

Genesi. 14

De. 18. 12 Sollen einseülen vnd eynnemen / daruon ainem Pfarr-
 er so vō ainer gangzen gemain erwölt wirt / seyn zymlich
 gnügsam auffenthalt geben / im vnd den seynen / nach
 Deutro. 25 erkantnus ainer gangzen gmain / vñnd was über bleybt
 1. Thim. 5 sol man (armen dürfftigen / so im selbē dorff verhandt
 Math. 10 seynd) mittailen / nach gestalt der sacht vñ erkantnus ain
 1. Chor. 9 er gemain / was über bleybt soll man behalten / ob man
 Kayser müße von lands not wegen / Darmit man kain
 landts steuer dürfft auff den armen anlegen / Sol mans
 von disem überschuß außrichten / Auch ob sacht were das
 Ein christ ains oder mer döffer weren / die den zehenden selbs ver-
 liche erpict kauft bettent auß ertlicher not halbē / die selbigē so dar-
 tung umb zu zaigen / in der gestalt haben von aynem gangzen
 dorff der sol es nit entgeltē / SOND wir wellen vns zym-
 Luc. 6 licher weys nach gestalt vñ sacht mit im vergleychen / in
 Math. 5 sollichs wider mit zymlicher zyl vnd zeyt ablassen / Aber
 1. Ma sol nie emät nichts wer vō kaimem dorff sollichs Erkaufft hat vñ ire forsa-
 nemen. ren inen selbs solchs zugeaygent haben / wöllen vnd sol-
 en vnd seynd inen nichts weyters schuldig zugeben / al-
 ain wie obstat vnsern Erwölte Pfarrer darmit zu vnd
 erhalten / Nach malen ablesen / oder den dürfftigē mit-
 tailen / wie die hailig geschryfft innhölt / Sy seyn gaist-
 lich / oder weltlich den Klaynen zehat wöllen wir gar nit
 Genesis. 1 geben / Dan Got der herr dz vich frey dem menschen be-
 schaffen / das wir für ain vnzymlichē zehat schetzen / den
 die menschen erdicht haben / Darumb wöllen wir in nit
 weytter geben.

Der drit artickel.

Zum dritten / Ist der brauch byßher gewesen das man
 Esai. 53. vns für jr aigen leüt gehalten haben / wölich zu erbarm-
 1. Petri. 1. en ist / angesehen das vns Christus all mitt seynem kost-
 1. Chor. 7. parlichen blut vergüßen / erlöset vñnd erkauft hat / Den

Hyrtten gleych alls wol alls Den höchsten/kein auß ge
 nommen/ Darumb erfindt sich mit der geschryfft das
 wir frey seyen vnd wöllen sein/ Nit dz wir gar frey wöl
 len seyn/kein oberkeit haben wellen/ Kerner vnß Vort
 nit/wir sollen in gepott en lebennit yn freyem fleyschlich
 en mitwilen. Sonder got lieben in als vnserin Tieren.
 in vnsern nechsten erkennen/vnnd alles das so wyr auch
 gern hetten /das vnns Vot am nachtmal gepottten hat
 zu ainer letz/darumb sollen wir nach seinem gepot leben
 zaigt vnd weist vns diß gepot nit an das wir der oberk
 eit nit kofsam seyen/nit allain der oberkeit/sunder wir
 sollen vns gegen jederman diemütigū /das wir auch ge
 ren gegen vnser eruelten vnd gesezten oberkayt (so vns
 von Vot gesezt) in allen zünlichen vñ Christlichen sach
 en geren geho:sam sein/seyen auch onzweyfel jr wedende
 vnß der eigenschafft als war vnnd recht Christen geren
 endlassen oder vns im Euangeli des berichten dz wirß
 seyen.

Der Viert Artickel.

Zum vierten ist biß her im brauch gewesen/dz kayn arm
 er man nit gewalt gehabt hatt/das willpret gefigel oder
 fisch in fließenden wasser nit zu fachen zu gelassen werde/
 welchs vns gang vnzymlich vñ vnbrüderlich dunckt/sun
 der eigenmütig vñ dem wort Vot nit gemeh sein/Auch
 in etlichen ortern die oberkeit vns dz gewild zu trug vnd
 mechtigem schaden habe/wil vns dz vnser (so Vot dem
 menschen zu nutz wachsen hat lassen) die vnuernüfftigen
 thyer zu vnuz verfrezen mitwiligtlich leyde müssen)
 dar zu stillschweigen das wider Vort vnd dem nechsten
 ist/Wan als Gott der her den menschen erschuff/hat er
 im gewalt geben vber alle thier/vber den vogel im lufft
 vnd vber den fisch im wasser. Darumb ist vnser begeren
 wan ainer wasser hette dz ers mit gnügsamer schriff be

Roma. 13.
 Sapien. 6.
 1. Petri. 2.

Deut. 6
 Mathei. 4
 Luce. 4.
 Luce. 6.
 Math. 5
 Johan. 13

Rom. 13

Actus. 5
 Ain Cr:
 liche erbie
 tung.

Gene. 1
 Actus. 10
 1 Timo 4
 1 Cor. 10.
 Coloss. 2
 Ain chris
 tliche erbie
 tung.

Ein chri
stliche er
bietung

weyßen mag das man das wasser vntwysenlych also er
kaufft hette / begeren wir jms nit mit gewalt zu nemern
Sunder man muß ain Christlich eyn sechen darynnet
habē vō wegen brüderlicher lieb / aber wer nit gnügsam
anzaigen darūm kan thon / solß ainer gemayn zymlich
er weyß mitrailen.

Der fünfft artickel.

Wie oben
im ersten
cap. des
büch Mo
sauzigt
ist.

Hieraus
sitt auß
rayttung
des holtz
geschehen
wirts ange
sehen die
verordnet
Zu crist
liche erbie
tung.

Zum fünfften seyen wir auch beschwert der beholzung
halb / Dañ vnser e herschafftē habend inenn die hölzer
alle allain geaignet / vñ wañ der arm man was bedarff
muß ers vmb zway gelde kauffen / ist vnser maynung
was für hölzer seyen / Es habens geistlich oder weltlich
innen die es nit erkaufft haben / sollen ayner gangen ge
main wider anheim fallen / vñ ainer gemayn zimlicher
weyß frey sein ain yetliche sein noturfft ins hauß zu brē
en vñ sunst lassen nemen / auch wañ vō nöden sein wurde
zu zymern auch vñ sunst nemē / doch mit wissen der so vō
v gemain darzu erwelt werde. So aber kains verhandñ
wer / dan das so redlich erkaufft ist wordenn / Sol man
sich mit den selbigen brüderlich vñ Christlich vergleich
en / Wañ aber das gut am anfang auß jnen selbs geay
gnet wer worden vñ nachmals verkaufft worden / Sol
man sich vergleichen nach gestalt der sache vñ erkantnuß
brüderlicher lieb vñ heiliger geschriffte.

Der Sechst artickel.

Roma. 10

Zum sechsten ist vnser hart beschwerung der dyenst hal
ben wölche von tag zu tag gemert werden vñ teglich zu
nemen / begeren wir das man ain zimlich ein sechen dar
ein thū / vnß der massen nit so hart beschweren / Sonder
vns gnedig hier inne ansehen wie vnser Ltern gedient
haben allain nach laut des wort gots.

Der Sybent Artickel.

Zum sibendē dz wir hinsüro vns ain herschafft mit weyter wolle lassen beschwere / sond wies ain herschafft zymlich: r weiß ain verleycht also sol ers besizen laut der verainigug des herren vñ bawren / Der heri soll in nit weiter zwynngen noch dyngen mer dyenst noch anders von im vmb sunst begeren / Darmit der Baur solych gütt on beschwert also trüeblich brauchen vnd niessen müg / ob aber des herre dienst von nötten weren / sol im der baur willig vñ gehorsam für ander sein / doch zu stund vnd zeyt / das dem bawren nit zu nachtail dyen / vñd ime vmb aynen zymlichen pffenning den thun.

Luce. 3
Tess. 6.

Der Achtet Artickel.

Zum achten sey wir beschwert / vñ der vil. so güter innen haben / das die selbigen güter die gült nit ertragen künde vñd die Bawren das jr darauff ein biessen vñ verderben. Das die herschafft die selbigen güter / Erberleue besichtigen lassen / vñ nach der billikayt ain gylt erschöpff / da mit der baur sein arbeit nit vmb sunst thye / dan ain yetlicher tagwercker ist seyns lons würdig.

Math. 10

Der Neunt Artickel.

Zum neüntē seyen wyr beschwert der grossen frefel / so man sterz new sagung macht / nit dz man vns strafft nach gestalt der sach / sunder zu zeyten auß grossen neyd / vñd zu zeytten auß grossen gunst / Ist vnser maynung / vns bey alter geschribner straff straffen / darnach die sach gehandelt ist / vñd nit nach gunst.

Esate. 10
Ephes. 6

Luce. 3
There. 6

Der Zehent Artickel.

Wye oben
Luc. 6. Zum zehenden sey wir beschwert / das etlich haben inen
zügeaignet / wisen der gleichē ecker / die dan ainer gemain
zü geherende / Die selbigen werden wir wider zü unsern
gemainen handen nemen / Es sey dann sach das mans
Christlich
erbitung. redlich erkauft hab / wañ mans aber vnbillicher weyß
erkauft het / Sol man sich gürtlich vñnd briederlich mit
ainander vergleychen nach gestalt der sach.

Der Aylffte Artickel.

Deutro. 18. Zum aylften wollen wir den brauch genant den todt fall
Matth. 8. gang vñ gar abhün habñ. Den nimer leidē noch gestat
Matth. 23. ten / das man witwen waisen das jr wider Got vñ eere /
Esaie. 10. also schenlich nemen berauben sol / wie es an vil ortten
(meniger lay gestalt) geschehen ist / vñ von den / so sy besitz
en vñnd beschirmen solten / hand sy vns geschunden vñnd
geschaben / vñnd wañ sy wenig süg hertende gehabt / hert-
ende diß gar genomen / dz Got nit mer leidē wyl / sunder
sol gang absein / Eain mensch nichts hinsiro schuldig sein
zü geben / weder wenig noch vyl.

Beschluß.

Die weyl
alle artick
el im wort
Gotes be-
griffen sey
en.
Christliche
erbitung. Zum zwelften ist vnser beschluß vñ endtliche maynüg /
wann ainer oder mer Artickel alshie gesteldt (So dem
wort Gotes nit gemesh) weren / als wir dan nit vermain
en die selbigen artickel / wo man vns mit dem wort Gotes
für vnzimlich anzaigen / wolt wyr daruon abston / wañ
mans vns mit grundt der schrift erklert. Ob man vns
schon etlich artickel yetz zü lyef / vñ hernach sich besende
das vnrecht weren. sollen sy von stundan todt vñ absein.

nichts mer gelten / der gleichen ob sich in der schrift mit
der warhait mer artickel erfunden / die wider Got vnd
beschwerms des nächsten weren / wöll wir vnns auch
vorbehalten / vnnnd beschloffen haben / vnnnd vns in aller
Christlicher leer yeben vnd brauchen / darumb wir Gott
den herren bitten wölllen / der vns das selbig geben kan
vnnnd sunst nyemant / Der frid Christi sey mit vns allen.

17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44
45
46
47
48
49
50
51
52
53
54
55
56
57
58
59
60
61
62
63
64
65
66
67
68
69
70
71
72
73
74
75
76
77
78
79
80
81
82
83
84
85
86
87
88
89
90
91
92
93
94
95
96
97
98
99
100

101

102